

汉魏丛书

漢魏丛书

元經薛氏傳卷六

經簡文帝咸安元年帝正月夏四月秋七月冬十一月桓溫分兵屯衛乙卯溫廢武陵王晞十二月初薦淶酒於太廟。

傳曰簡文帝諱昱字道萬元帝第六子也桓溫既廢帝以太后詔迎帝於會稽帝變服巾幘受璽綬不書卽位譏之爾曰簡文自太和元年位爲丞相錄尚書事不能制桓溫之跋扈以輔幼主雖踐祚體元亦由其未盡善也故不書卽位冬十一月帝

元紀
卷六
既卽位。桓溫慮有變故，分兵屯衛。桓溫不稱官，貶其專也。武陵王晞者，元帝第四子，出繼武嘉王。詔後遷太宰，無學術而有機幹。溫素忌之。溫既立，簡文乃表晞謀逆，收付廷尉請誅之。簡文手詔報溫曰：「若晉祚猶長，公宜行前詔。如其大運去矣，則請避賢路。」溫乃止。奏徙新安郡。薦鄱陽於太廟者，自此始。故曰初薦。

經
咸安二年帝正月，二月秦苻堅執慕容桓夏拜百濟爲樂浪太守。秋七月，內史周少孫討庾希平之，已

未立皇太子昌明，是日帝崩于東堂。

傳曰：慕容桓，暉之族子也。暉既滅，桓收合餘衆，攻

遼東太守韓稠，堅遣將軍朱疑擊桓，執之，百濟國

王餘旬入貢，遂拜鎮東將軍、樂浪太守。樂浪，元虞

希者，哀帝隆和初，鎮下邳，與袁真分守。至太和二

年，希舉兵入于海陵，入京口，逐晉陵太守卞耽。秋

七月，遣東海內史周少孫討擒之。賊平，昌明孝武

帝字從舊史文。

經：孝武帝寧康元年春正月，帝卽位。二月，桓溫來。

朝三月癸丑除四折稅

杭 析音

夏五月旱七月己亥桓

溫卒八月壬子崇德太后猶攝政冬十月西平公張

天錫來貢十一月秦人陷梁益我師南遁

傳曰武皇帝諱曜字昌明簡文帝第四子也咸安

二年立爲皇太子簡文崩帝卽位至明年正月改

元寧康書卽位以謹始也桓溫旣立簡文也望禪

位於已不副所望武帝卽位詔溫入赴山陵書曰

來朝外之也初溫依諸葛亮故事威勢翕赫乘輿

入朝求歸姑熟窺司神器至是詔來京師故曰來

朝四桁稅者，丹陽竹格等稅也。除之，嘉惠及民也。
已亥，桓溫卒，不書官，貶之也。溫自咸康而來，威傾
中外，廢東海立簡文，有志篡奪，此亂之大者。卒幸
免誅也。去其官不書薨，爲晉誅惡也。崇德太后者，
何康帝后褚氏也。父哀后自穆帝嗣位，蔡謨等奏
東漢和熹順烈並臨朝，近以明穆故事，以垂先制。
於是居崇德宮，謂之崇德太后。及桓溫廢海西公
立簡文，后復臨朝稱制。君子曰：后妃所以治內也。
親外事非禮也。然權宜避嫌，必假母儀之尊，所以

制弱命之君爾。伊尹周公不挾后勢。終歸于道。霍
光白太后。禮當尊親。其實光專之可也。漢魏而下
后族臨朝。罕不兆亂。故元經書猶有可止之辭也。
然則孝武帝冲幼。妃后攝政。奈何。曰。時諸桓方強。
王坦之之輩。執政庸懦。不能舉左袒之師。討廢君
之賊。雖崇德臨朝。何益。晉祚哉。張天錫來貢方物。
言中原舊統無來者。惟天錫而已。書公貴之也。秦
符堅遣將楊安陷梓潼。梁益我師。周仲孫以騎三
千南遁。仲孫爲寧州刺史。監益州。貪暴人不堪命。

秦揚安帥師陷之，書曰：我師不言仲孫，罪在晉也。不任賢也。致陷全蜀，不書仲孫，不足稱也。

經寧康二年春，帝正月二月，兖州刺史刁彝卒。三月

丙戌，彗星見于氏。夏五月，蜀賊張育僭號蜀王，爲秦

所滅。秋九月丁丑，有星孛于天市。冬十一月，天門蠶

音攻郡。太守王匪死之。癸酉，將軍桓石虔破秦姚萇

于墊江。無傳

傳曰：刁彝，字大倫，少遭家難。彝斬讐人，祭父墓，由

是知名。官至兖州刺史，假節鎮廣陵。卒。彗星

見于氏有星孛於天市，皆占曰有兵喪。張育以蜀來稱藩，蜀賊言自僭，非懷晉也。天門蝨者，蠻屬也。太守死之，以死守天門，義之也。

經寧康三年春，帝正月辛亥大赦，夏五月獻公王坦之薨。桓冲鎮丹徒，謝安領揚州。秋八月，立皇后王氏。冬十月癸酉朔，日有蝕之。無傳十二月，神獸門哭。無傳詔

賜民米。無傳癸巳，帝釋奠于東堂。

傳曰：大赦者，以去年冬錢步射作亂，朱序平之，故

赦其餘黨也。王坦之字文度，父述，興寧太和中稱

爲名臣。坦之襲父爵，累遷至大中正。簡文臨終，詔坦之與謝安輔幼主，遷中書令，終於都督。徐充青諸軍事，臨終與謝安相冲書，不及私，惟憂國家之事。朝野惜之。稱謚書薨，褒賢也。丹徒控南吳，揚州扼淮北，故安冲分主之。重外禦也。立皇后王氏者，王蘊女也。諱法惠。初，帝將納后，訪諸公卿。僕射謂人曰：「昔毛嘉耻於魏朝，揚駿幾傾晉室。帝若納后，如有父如王蘊，則可。」按王蘊者，濛之子也。爲吏部性平和，不抑案。素爲吳興太守，有德望。及后立，蘊辭恩澤，求外郡。素嗜酒，少醒自然和簡，爲百姓所悅。終於會稽內史。儀同三司。

于恭別
有傳

訪蘊女容德乃應選釋奠之禮自魏齊王

正始五年使太常釋奠祠孔子於辟雍以顏回配
享至晉成帝穆帝並以堂爲太學故曰釋奠于東
堂禮也

經太元元年春帝正月加元服見太廟改元始臨朝

案孝武冠儀依武帝故事金石宿設百僚陪位殿上
鋪大床御府奉冕幘簪太尉加黃太保加冕侍中加
衮服畢羣臣上壽三呼萬歲古禮冠皆在廟晉自成
帝以來加元服以車駕出拜于太廟以告成擬在廟
儀之
夏五月癸丑地震秋九月秦陷梁州張天錫亡冬
十月秦攻代執其主涉翼健

傳曰自漢以來加元服皆以正月見于太廟明冠
禮也書始臨朝者言太后歸政也癸丑地震陰盛
極也秦陷涼州之應乎張天錫晉舊屬也秦之陷
涼于是中原掃地矣天錫張駿少子也荒于聲色
不恤政事人情恐懼秦苻堅遣將苟萇攻涼天錫
降于秦因遂亡矣自張軌爲涼州至天錫凡九世
共七十六年而亡書亡以晉藩郡爲辭也涉翼健
凶奴猗盧之後也苻堅遣將苻洛率幽州兵十萬
討伐戰于弱水道陰山其子翼圭縛父母秦堅嘗

入太學，召翼圭問曰：「漠北人好學否？」翼捷對曰：「若不好學，陛下教臣何爲？堅善待之終身。」

〔經〕太元二年春正月，二月朱序鎮襄陽，夏四月，秋七月，老人星見，八月，桓冲來朝，丙辰，都督六州桓豁卒。壬寅，尚書簡公王彪之薨。

傳曰：朱序世爲名將，使鎮襄陽，備秦也。老人星見于袞世，不足爲祥也。桓冲者，溫弟也。代溫爲都督江楊諸軍事，鎮姑熟，脩臣節也。都督桓豁卒，豁字郎子，父葵，豁累有戰功，遷征西開府，堅踐仇池，豁

以梁州楊亮及益州周仲孫敗潰，豁威畧不固，辭
開府，尋卒。諡曰敬，不書諡，無功也。王彪之，字叔武，
累遷尚書僕射。時豫州謝奕卒，簡文問彪之欲以
桓雲代之。彪之曰：「溫居上流，割天下之半。若其弟
處西藩，權在一門，人事不可豫量。」簡文曰：「君言是
也。」簡文崩，羣臣未敢立嗣。或云大司馬處分彪之
正色曰：「君崩，太子立，何容得異？」乃定。謝安欲以太
后臨朝，彪之曰：「先代主襁褓，子母一體，故可臨朝。
太后亦不能決。」終問僕與君等。今上年十歲，反令

從嫂臨朝。豈翼戴之謂乎。謝安每言事不能決者。諮王公。無不得判。以疾卒。諡曰簡。書薨。貴之也。

經

太元三年帝正月。二月作新宮。三月暴風發屋。夏

五月陳留王曹恢薨。

無傳

秋七月。冬十月。

傳曰。作新宮。譏也。謝安欲營宮室。王彪之曰。中興初帝卽位。東府至爲儉陋。元明二帝亦不改制。成帝居蘭臺。是以更營修築。始合豐約之中。可修補而已。強寇未殄。宜休兵養士。何勞擾百姓。以修屋宇。爲能耶。終彪之世。至是始作新宮。故譏其困民。

力也。暴風發屋，不思之咎。厥罰常風。管輅曰：思心不睿，常風之罰。

（經）人元四年春帝正月，二月秦苻丕陷襄陽，執朱序。夏四月，秦陷魏興，吉挹死之。五月，秦陷盱眙。秋九月，盜殺建安守傅湛。冬十一月，十二月己酉朔，日有蝕之。

傳曰：朱序，字次倫，守襄陽。苻丕攻陷於堅，堅南伐，遣序說謝石。石反，謂石曰：堅衆百萬，悉到莫可與當，乃及其未會，可擊之。堅大敗，序得歸。吉挹，字祖中。